

清江縣志

地 250.103

38

部 三〇一~一〇

14

P 283

11320

14703-712

同治九年歲次庚午重修

清江縣志

本衙藏板

重修清江縣志序



溯維郡縣分而職方辨詎獨
枉下鴻篇可益聞見卽一邑
紀載皆足驗風俗之異同考
政治之得失則采擇不容以

遺濫也審矣清江縣志自張
君增輯後距今四十七年雖
山川之形勢依然而人物則
幾閱興替矧迭遭兵燹其間
奇節異行與夫碩彥耆英之

有待於表彰者殆指不勝屈
而聽其湮沒無聞不幾負山
川鍾毓之靈

國家培養之厚乎夫抱瑰異之
質以自振拔於流俗者代不

乏人人不同趣推而至於民
情之醇薄事蹟之更仍文教
之盛衰皆隱隱與治化相維
繫尤當周諮博訪深切著明
者也己巳冬懿出宰斯土適

奉 憲檄纂修郡縣各志乃
與邑之士紳商訂而踵成之
惟是運會旣殊表見不一茲
其冗雜擷其菁英義例體裁
因創須歸至當苟非胸羅全

史筆有千秋安能總編纂之
大成衷理道而定哀益適兩
浙轉運使者朱石翹先生養
疴里門懿順輿論之推尊再
輸誠款敬迓高軒先生知此

任之不容以旁屬也於是集
衆美之敷陳嚴其去取條分
而縷析之節義必極其詳明
疾苦無嫌於臚列闡揚遍及
夫幽微是非悉軌諸至正而

浮靡之篇什題詠無關政教
者不濫及焉文不傷綺質不
近陋非率爾操觚者所得挾
其藩籬窺其堂奧也九閱月
而書成詢之閩邑紳耆無復

訾議乃付手民而剗廁焉爰
贅數行以弁簡端後之君子
當有所考證也

同治九年歲次庚午孟冬初

吉

賞換花翎運同銜補用同知直隸
州知州署理清江縣事歸安

潘懿撰



清江秦志原序

丁丑之冬鏞謁典銓得清江心念知之弗明處之曷當
卽晉謁機部楊先生求邑志讀之先生曰無之此吾清
江三百年缺典也盍補其缺鏞謹受教旣蒞縣方值多
事餉檄如火郵如水災祲相繼民色如土竭廢支吾日
不暇給何暇問筆墨事然長安數語未嘗不耿耿在胸
於是五年以來或晤對先哲則訪其舊或驅車田間則
謀諸野或道逢碑碣則摩其字或惠投編帙則攷其文
積之旣久寢以融貫辛巳之秋遂奮然舉事凡踰年而
始竣旣覆閱之其中保殘守缺未能更僕卒爲未成之

清江縣志

卷之首

原序

書嗟乎豈不難哉大抵遺文旣散藏書未出舊聞放失
蒐葺不至此攷據之難也邑中先達雖多同志然或出
或處或嘿或語未能共事一堂商確訂詒此咨詢之難
也山巔水涯足跡未至戶闕井觀語焉不詳此親歷之
難也名法擾外思慮亂中抽隙片晷之間覃思寢食之
際此涉筆之難也然且爲其難而不辭者何也功令在
是乎曰否黜陟在是乎曰否然則其爲迂遠而非所急
也審矣夫以淺陋之識踈鄙之才處至難之勢舉不急
之務然且爲之而不辭者何也凡以有苦心焉有微情
焉清雖彈丸實江省要會其間山川之源流田賦之本

末兵農之利弊人物之盛衰自洪永迄今荒落過半及
今不爲曰我未暇而委之後人自此更數十百年其爲
湮沒何可勝道今雖缺畧紕繆未能成書倘惠邀邑之
先生長者爰取而更定之以貽後之君子俾有所折衷
焉庶猶存什一於千百也是則鏞之苦心焉抑聚散離
合凡人之情鏞視清猶家也視清人猶父子兄弟也一
旦罷去念我清人思之不置何以自慰庶幾手此一編
相對如履其地如見其人不猶愈於託之夢想乎是則
鏞之微情也夫心所嚮念與情所自致則雖以其事之
甚難與非所急也而遂罷棄不爲則固有所不可也若

清江縣志

卷之首

原序

二

曰以文事飾吏治而僭竊自附於述作之事則鏞豈敢
崇正壬午九月既望知清江縣事無錫秦鏞撰

清江秦志原序

方域之有志也自禹貢昉也國家幅員最廣司封者各
以所賜履罔羅詮次而通博固難其人於是羣聚相矜
異同糅雜令讀者慨晉問之浮張而米傳之紕漏嗟嗟
朽史豈易言哉清江爲洪都上游土隘而物繁厥田惟
中而賦儼上艫連轂擊四達之塗也故長民者因陋乘
敝而文獻罔徵無錫若水秦公甫下車輒謀諸鄉大夫
士奮爲己任蓋窮知究慮甫匝歲而書成其於錢穀徵

輸經費出入軍與力役城守關譏邑之大政負之顯身
帝以前事多參忤而國家北奉南勤供億亦浩繁矣公
蒐訪舊聞酌通時變沿革利害以所劑量者參合經制
所論著爲最詳若山川封域謠俗土風與人文之代嬗
物力之靡敝得之該覽周咨躬履目涉而隱德幽貞單
辭隻行又靡弗究殫焉乃正其牴牾刊其訛誤簡而核
辨而不詭殆彬彬一代之惇史也然多於月幌風櫺籌
燈砥筆以肆力於稠濁簿書之間其用心亦何勤哉蓋
政之敝也舊章放軼民始惑於多制兆興於多難而權
時就事亦勢處其窮原始而怖其卒則織備於此矣公

清江縣志

卷之首

原序

三

蓋曰吾存其什一則方冊具在使遠而有徵周德未衰
也天卽降衷以撫柔下邑繼治者舍其舊而新是圖將
清節亨衢而委其煩策亦猶是範我馳驅也是固公睠
睠清江之極思乎夫峴首遊娛興懷去後亦有情感慨
之常而千載下誦其語聞其風猶可想見其人若公之
睠我清江也文采風流昭回典冊以章遠而詔後豈徒
託諸慨歎者哉雖弈世之下思其德誦繹其書猶若軒
舞其前而聆警效於側也有斐君子枝葉所庇其利賴
甯有已時又豈僉謀於邑屋而異同糅錯者所得較其
工拙哉是志也愛而傳文而行遠無惑也崇正十五年

壬午十月望日賜進士第四川布政司叅政前河南道
監察御史行人司行人奉命出使朝鮮賜一品服邑人
熊化書

清江鄧志原序

廷輯以黔陬下士荷蒙

簡命分發來江西與試於權攝者屢矣其後補峽江令居六
載日惴惴以不免罪戾爲懼及丙申調任清江見其俗
樸民淳竊意此邦文獻必有裨於治理者旣與邑士大
夫相見因訪求利弊並及邑乘僉憮然曰自明季秦公
勗爲之厯

清江縣志

卷之首

原序

四

國朝百三十有餘年矣尚未講此也輯瞿然久之謂是邑
缺典其何可弗修然甫視事力猶未逮越歲邑事稍就
部署始與士大夫議修而諸君子亦相與鼓舞以樂觀
盛時文獻之備用請章程於 憲府旣愜允輯乃與邑人
士徵故寔采近聞於風土人物及諸有關邑事者已幸
得其崖略遂蠲吉而啟館蓋於是而覩佚編之就理也
竊考禹貢一書爲志所權輿周官外史掌邦國之志卽
古述職書也職何以述風俗爲一書土田貢賦爲一書
興賢爲一書禮樂兵刑各爲一書殿最分而慶讓因之
矣夫邑之司牧曰民父母必先有不得已於斯民之心

而後施於不忍斯民之政以政達政原以心準心父母
之謂何乳哺之馭伏之撫摩噢咻以幸其成立家殷庶
鄉禮讓然後著爲令典登之邑乘此物此志也豈僅撫
具文資博洽已哉輯愧井目滿衷知識短淺久復研穎
荒禿何以與於典冊高文仰藉諸君子匡所不逮草創
之討論之修飾之載奉以就正有道又從而潤色之瞻
而不敢穢也簡則惟其閔也不廢舊章以酌時宜恪凜
聖謨而尚體要也庶幾哉有典有則披圖如指掌以觀民風
以考士習以定方域以權物宜或可信今而傳後輯雖
製錦未能已幸有所省覽以自課治術且得與清之父

清江縣志

卷之首

原序

五

老子弟引恬引養俊民章而家用平康翰翰焉啟啟焉
共慶

王化之成是則斯編大有造於斯邑國之福卽清江之福云
爾假異日者得趨覲

天顏

垂問一隅所治敬括舉斯編大畧稽首颺言以對揚
天子之休命

時

大清乾隆四十有五年歲次庚子孟冬月之吉知清江縣事

黔南鄧廷輯撰

時有靈也且人物如季文袁鳴之孝行子壽伯原之學術至劉氏原父貢父文章政事以弟弟卓越一時則文獻又特盛也而里社村墟桑麻鷄犬其得以優游饜飫於

累洽重熙之世者宜何如歡忻而鼓舞也今得與諸君子分類爬梳較若畫一實者增之浮者去之繁蕪者條晰而清澆之毋濫毋刻毋激毋隨庶幾信今傳後之盛軌而百里偏隅之惇史哉從此風俗日增淳美人文日形炳蔚物產日益豐饒皞皞熙熙足以上備

聖世輜軒之采則固湄之所樂冀其盛而或可仰承先澤於

清江縣志

卷之首

原序

七

萬一者也遂書以弁於端

道光四年歲次甲申孟秋初吉知清江縣事汲郡張涪撰

清江張志原序

清江邑乘自邑侯若水秦公經始後越百有餘年碧山鄧公重加蒐輯其間山川之源流田賦之本末兵農之利弊歷代之因革考文徵事庶幾哉有典有則矣迄於今蓋又四十餘年道光元年春槎張公以拔萃科來宰斯邑既下車勤於吏治百廢具興顧掌故闕焉不備慨然以爲己任公餘之暇從事於斯濡墨吮毫辨譌訂誤

與邑人士共相編次凡九月書成郵筒楚北屬序於恬
恬自惟簿書執掌馳驅中外歷有年所回憶桑梓鈞遊
渺不可卽復謬叨

簡命巡撫楚北重任夙夜思奮恒兢兢焉其奚以答公之請
耶旣以謙陋辭不獲免乃卽公之所以望於鄉人士者
引其說以爲鄉人士勸還自勸焉我

朝

聖相承豐功盛德休養生息涵濡於百餘年之深閭里父老
子弟幸生其時相與樂耕鑿而習誦絃則此數十年間

清江縣志

卷之首

原序

八

山川田賦兵農因革今不殊昔也惟風俗之敦龐人才
之樂育必有丕然變而蔚然起者日新而月異志之烏
可緩哉清江有閭阜瑞筠之勝名天下賴江渝水會流
而東天地精英之氣鍾爲人瑞而又先哲耆舊文獻具
存游季文虎跑之泉考伯原春暉之蹟讀子壽止堂之
訓摹魯公放生之碑則令人穆然有敦孝友守忠義之
思焉風義有堡化梭有亭墨莊有記滌泉有銘則令人
穆然有高氣節崇教化之思焉華國彝父之遺愛以常
幼清之流風至於今人猶樂道之信遡瞻山川胥足顯
靈秘而昭來葉矣後之興起於斯者必其人可有志有

足志使後之人撫簡冊而想見其爲人庶幾志以人童
不沒沒於當時苟可以爲志乘光卽其名山千古矣惡
可不自振拔乎哉攷志載之體權輿禹貢而周禮外史
掌四方之志則今郡縣之各爲一志者所自昉禹貢紀
山川而風俗畧焉說者曰風俗由乎上之教也紀物產
而人才畧焉說者曰人才由乎下之化也至四方有志
則用以周知九州之故相其適宜而施之政教於是取
焉知風俗由乎上之教則宰於斯者當思所以鼓舞之
矣知人才由乎下之化則生於斯者當思所以淬勵之
矣知用以相適宜而施政教則風俗人才之故皆政治

清江縣志

卷之首

原序

九

得失之林更當思奮興勉勵於以翼贊

聖天子時雍於變之治於永永弗替矣是則公之所望於鄉
人士而恬所願與鄉人士共相勸勵者乎因引申其說
而爲之序

道光四年歲次甲申仲秋上浣邑人楊

懋恬

謹序

秦志纂修銜名

鑒裁江西督學道侯峒曾 郭都賢

分守湖西道吳麟瑞 潘士造

分巡湖西道蔣如奇 吳炳

知府毛之儁 通判宋國柱 推官俸秉澹

手纂知縣秦鏞

參訂楊廷麟 機部 熊化 極峯 張壽祺 瑞碧

錢應華 堅白 彭元祚 赤霞 晏日曙 季復

楊廷楨 周士 黃蘊卿 務白 曾光祖 觀我

聶起潛 虬驤 龔善選 颺廣 會日琬 鍊九

清江縣志 卷之首

銜名

楊世榮 秦鄰 黃應鵬 宇曜 黃騰達 文石

傅選 用賓 鄒瑄 清臣 鄒希孟 九賓

祝應熊 大占 楊煜然 晦若 楊一相 又西

黃介中 石丈 蕭宏緒 餘庵 鄧岳壽 五峙

彭立節 介臣 熊兆行 見可 黃長齡 錫老

黃尚賓 嘉鄉

鄧志纂修銜名

總裁江西巡撫世襲騎都尉郝

碩翼軒奉天世襲

江西學政汪永錫

曉園錢塘進士

胡高望豫堂仁和榜眼

鑒定江西布政使秦雄飛

曉林金匱進士

江西按察使馮光熊

魯岩嘉善進士

署江西按察使通省鹽法道李

封松園壽光進士

署江西按察使分巡吉甯贛甯兵備道湯萼棠

鑑堂仁和進士

江西鹽法道兼巡瑞袁臨地方杜

憲汪若大谷進士

督修臨江府知府王引楷

樸園諸城貢生

陳葆光芝田靈石監生

總修知縣鄧廷輯

碧山畢節舉人

清江縣志

卷之首

協修教諭熊

顯惠泉南昌舉人

訓導劉于昌虛舟南昌舉人

分理縣丞彭延慶

衍之丹徒貢生

監刊典史耿

煌玉山華陽監生

戴均靜齋德清庠生

纂編翰林院編修熊為霖

鶴橋新建進士

分纂楊錫綬

蓮湖

楊殿梓琴齋俱邑人

謝其情幼和南城舉人

劉輔世

願齋

錢時雍寄圃

楊賡謨恕堂俱邑人

經理楊映涵

蘊齋

彭萬槐復軒

洪文炳筠邨

謝曰愷

懇齋

陳芳松五封俱邑人

繕寫周躍龍

澍濤

郭開運曙堂

彭應麟仁圃

張景巖

京山

洪文煥郁齋俱邑人

張志纂修銜名

總裁江西巡撫程含章

月川雲南舉人

毓

岱

漢軍監生

江西學政李宗昉

芝齡江蘇榜眼

鑒定江西布政使潘恭辰

錢塘進士

嵩溥

滿州廩生

江西按察使魏元烺

直隸進士

邱樹棠

湖北進士

江西督糧道耿維祐

山東進士

江西鹽法道丁兆祺

江蘇進士

督修臨江知府經額布

滿州

劉體重

山西舉人

總修清江知縣張

湄

春棧河南拔貢

協修教諭周葆恕

南城舉人

訓導蕭

錦

泰和舉人

庖梧岡

臨川廩貢

清江縣志

卷之首

銜名

三

分理縣丞王

焯

順天監生

監刊典史姚秉良

浙江供事

勘正楊懋恬

雪颿

纂編楊學光

二溪

黃郁章

費生

分纂黃嘉譽

樟園

張維玉

冰壺

洪行壩

砥山

參訂楊壽元

劉元亨

黃攀桂

皮存簡

會鴻翥

劉世傑

龔作孝

黃慶同

關玉

關錦謙

黃良楷

陳日貞

黃仁育

經理鄧應辰

供事

楊雲漢

監生

採訪傅承潭

饒學澍

黎長棟

陳廷仰

黃懿珍

龔家棟

沈宗堯

張維璣

清江縣志纂修銜名

總裁

頭品頂戴兵部侍郎

兼都察院右副都御史巡撫江西
南昌等處地方提督軍務糧餉

劉坤一

湖南新甯人廩生

翰林院修撰南書房行走提督江西全省學政徐

郝

江蘇嘉定人
壬戌狀元

鑒定

江西等處承宣布政使司布政使文

輝

滿州正藍旗人
生員

署理江西等處提刑按察使司總理驛務記名道王必達

廣西臨桂人
舉人

江西通省督糧道兼巡南撫建地方兼管水利驛務平步青

浙江山陰人
壬戌翰林

江西通省鹽法道兼巡瑞袁臨地方兼管驛務水利吳兆麟

浙江錢塘人
舉人

督修

清江縣志

卷之首

銜名

四

道銜臨江府知府德馨

滿州廂紅旗人
生員

總修

運同銜候補同知直隸州署清江縣事潘

浙江歸安人
監生

同知銜清江縣知縣胡湛

安徽績溪人
舉人

協修

清江縣教諭傅廷梧

廣豐人
舉人

國子監學正銜清江縣訓導俞紹煥

廣豐人
廩貢

分理

提舉銜署清江縣丞黃經史

廣東人

監刊

清江縣典史 王朝潤 四川華陽人 監生

總纂

按察使銜浙江鹽運使司鹽運使 朱孫詒 邑廩貢人

協纂

安徽宿州州判 鄒應華 歲貢

靖安縣訓導 聶節亨 歲貢

分纂

興國縣教諭 楊世儀 拔貢

舉人 黃學坡

舉人 陳維烈

清江縣志

卷之首

銜名

五

舉人 孫鐸

中書科中書銜候選訓導 楊元溥 歲貢

候選訓導 蕭際虞 歲貢

廩生 黃介

增 廩生 杜若芳

校對

舉人 聶佳驥

候選訓導 龔春年 廩貢

廩生 羅珮玫

增 廩生 朱力鏞

中書科中書銜張翎增貢
儘先選用從九羅仰伊生員

經理

中書科中書銜候選訓導傅立勳生員

增貢生陳敬輿

生員張希甫

採訪

候選知州前任安遠縣教諭熊舒駿附貢

現任樂安縣教諭金鳳書廩貢

現任星子縣教諭李來賓廩貢

清江縣志

卷之首

銜名

六

現任金溪縣訓導楊福恩歲貢

前任新城縣訓導楊慶蕃廩貢

五品銜候選知縣鄧作楨

州同銜加二級尹鑑潮

州同銜周本端

布理問銜楊金瑞

候選教諭陳仰思恩貢

候選訓導劉同綬廩貢

候選訓導楊慶祐廩貢

候選訓導蕭如鐸廩貢

副 貢 生 何賚弼

副 貢 生 楊培性

附 貢 生 敖其良

附 貢 生 陳道南

附 貢 生 吳炳南

附 貢 生 徐毓鳳

廩 生 習寅斗

廩 生 聶聯奎

生 員 任文藻

生 員 李行健

清江縣志

卷之首

銜名

七

生 員 楊昭顯

候 選 守 備 黎精忠

繪圖

五 品 銜 候 選 經 歷 孫 榮

各族大姓尤素著於疆域者也邑向分鄉都圖甲田賦出其中徭役出其中然圖甲無定域而村團有定居今志疆理仍將山川形勢市鎮都坊水利圩隄津梁古蹟塚墓寺觀風俗氣候物產統於其中因再實以村團暨其大姓村團分四正四隅首列去縣治里數或數村爲一團或數十村爲一團安排妥貼可備稽查

言地理者莫先於禹貢而於導山導水之後繼之以錫土姓誠以地與民兩相維繫者也寰宇記載州郡大姓撰志乘者又當廣樂氏之例作族姓表近會稽章氏泚兆志稿一倡此議其書未成曾以其法修四路廳之永

清江縣志

卷之首

例言

二

清志甚爲詳覈而儀徵相國亦存此議於文集中具徵通人雅識夫巨室者編氓之望也士族者齊民之表也章氏之言曰以直省領列郡以列郡領州縣以州縣領士族以士族領齊民天下大計可以指掌言故觀於士族之貞淫興替而知邑里之治亂安危今雖不立族姓一門而於都圖村團列其姓氏庶衆寡可知淑慝可辨宅里可風爭競可息而欲行保甲團練之法不外於此矣

方志舊稱圖經周禮職方氏掌天下之圖而大司徒以天下土地之圖周知九州地域廣輪之數故圖學於地

里爲尤重今爲立圖記一門曰形勢凡爲圖若干以開方法計之每方若干里首列縣境形勢全圖次列治城圖五鄉塘汛圖以重守禦附以形勢記備記其城郭之地防守之地用兵之地險要之地曰疆里凡爲圖若干以開方法計之每方若干里附以疆里記大約分一縣爲若干鄉鄉轄幾村區大村各爲一圖最大者分爲二三圖小者約兩三村團合爲一圖周圍紆直各視其方各爲記每村團去治城若干里東西南北與何村團接壤某山自某處起某處止某水自某處來某處去某至某幾里有某市鎮某渠某堰某橋渡寺觀某墓及名人

遺蹟故老詩文皆附其下又著明村內大姓某氏庶幾無事之時可以知編氓之相與守望者何地相與扶持者何人而保甲之法隱寓其中及乎有事之秋可以知其若何聚集若何歸併若何接應而團練之法亦具其中又備書其村團之關隘藪澤塘汛涂徑若者爲行旅之所湊集若者爲道路之所經由若者爲盜賊之所藏伏出入皆可周知而土田之美惡民力之豐歉關於民生政治者無不一覽而具矣然其法非委之畫工書吏塗飾名勝以相誇耀而已必須增益六法按方搜討既成全圖始一一分割裂爲小圖其指揣方向鈎心鬥角

以明形勢尋厯川涂辜權遠近以明分率而後可得其圖之用

城郭廨署建自立縣之初壇廟學校則事神興教之首務規模制度以及創始繼修年月人名皆闕典要康海武功志學校入於建置蓋記匠作經營學校特建置中大事於義甚當或謂失於輕重過矣

戶口之當紀者曰戶口曰土田有戶口因有地丁銀有土田因有糧稅或尙有加派貢賦采辦皆取於民之經也若夫起運存留撥運之數蠲卹積貯之政所以善平準而紓困窮者尤爲經政之要使鄙夷其事缺而不書

祇從事於模山範水附會乎故宅名園此文人結習非通儒所尙矣

志乘之具職官以備掌故義與史同或乃記錄姓名有類檔冊既不雅馴更嫌繁累後漢至隋百官有志而官僚之名次無闕此熊方萬斯同所以有補表之作也今作爲表以判其官階次譜其名數先後之次庶一開卷而其在位之年月爲時之久暫皆可瞭然如指其掌矣國家設兵衛民向有定額隨其地之險夷悉足以資其控制惟邑境當四達之衢從古迄今靖擾靡定紀載缺如元張用鼎金陵新志創通紀一門其厯代因革古今

大要於郡邑舊事若網在綱其體最善宋施宿會稽志有討賊平亂二篇當倣其意凡歷代命將底定之績設官循撫之勞詳其始末撰爲武事以附兵制之後歷代取士之制科目不同賢俊筮仕之階屢經變易蓋正史選舉不錄人名而私家之書作迨後諸書皆亡明於大學只建進士題名碑而舉人與制舉諸科名數惟賴有方志之所載而已

志乘立人物一門載地方之人物或統歸一門按照時地先後爲次序或倣照史傳區分品類各有所主然與其統歸一門致一得之士可以上比名賢苟若區分品

類縱名實不能絲毫悉協而大概亦畧可觀矣今分爲名臣理學宦業儒林忠義孝友隱逸文苑善士九目而列女方伎寓賢附焉

志列女者多首稱某氏次序夫名婦不繫夫名稱並順且傳中目之曰氏有類案牘之詞今畧倣後漢書列女傳例題曰某人妻某氏中稱名無名稱姓此則酌古今之宜范書中如鮑宣妻傳傳中卽稱爲妻於義無害但不必施之地志過於泥古至於義共柏舟事無殊別者則倣唐書孝友傳總叙之例載於各傳之後庶其名亦附不朽也

藝文志所以網羅載籍收拾遺經歷代沿襲不改隋書

則直稱經籍志近世方志乃以詩文當之卷帙繁蕪殊乖雅正范成大吳郡志以詩文分注各條之下如詩文作者即散附山水中其例最善今遵用之藝文專載邑人作述以正著錄之體其舊載詩文無所附麗而不可刪者並錄於後總謂之文徵蓋必詩能紀實文可當史真有關於是非之公倫理之正有足徵者方為錄載否則不妨從刪陸隴其靈壽縣志不載寺觀謂闕佛老雖例記伽藍由來已久難以盡闕其寺觀詩文似可全刪或注明某人其詩有文不錄詩文以省泛濫若詩文出自聖賢如朱子陸子之類則仍全錄以當空谷之足音金石附

書不盡言言不盡意古籍之所以日亡也所見異詞所聞異詞卮言之所以日出也方志多采錄軼事為雜記豈曰博聞姑付諸信以傳信疑以傳疑而已書之有序始於子夏之序詩蓋序所以作之指也茲分門析類之故謹具如石不更為小序以省冗贅武功志作序一篇以括全書得其義矣

清江縣志初自明季知縣秦鏞至

國朝乾隆間續修於知縣鄧廷輯道光間續修於知縣張湄距今四十七年文獻間缺竊以方志為

國史所取材茲奉憲檄飭修郡縣方志用敢遠稽舊聞近

考檔冊勒成一書其卷目具於左

卷首

詔諭

卷一

沿革志

表附

卷二

疆域志

上

形勢圖
疆里圖

記附
記附

卷二

疆域志

下

山川
圩隄
風俗
物產

形勢
津梁
氣候
大姓

市鎮
古蹟

都坊
塚墓

水利
寺觀

清江縣志

卷之首

總目

七

卷三

建置志

城池
壇廟

公署
學校

倉儲附
書院附

卷四

田賦志

戶口附

卷五

職官志

文職表
名宦

武職表

卷六

武備志

兵制
武事

卷七

選舉志

薦辟
仕籍

進士
封廸

鄉舉
掾考

貢生

卷八

人物志上

名臣
宦業

理學

卷八

人物志中

儒林
隱逸

忠義
文苑

殉難紳民附
善士
壽民附

孝友

卷八

人物志下

列女
方伎

殉難婦女附
寓賢

壽婦附

卷九

藝文志

經部
別部

史部
文徵

子部
金石

集部

卷十

雜類志

仙釋
軼事

祥異

清江縣志

卷之首

總目

八

清江縣志卷首

詔諭

欽頒學校臥碑 順治九年

朝廷建立學校選取生員免其丁糧厚以廩膳設學院學道
學官以教之各衙門官以禮相待全要養成賢才以供朝廷
之用諸生皆當上報國恩下立人品所有教條開列於後
一生員之家父母賢智者子當受教父母愚魯或有非爲者
子既讀書明理當再三懇告使父母不陷於危亡
一生員立志當學爲忠臣清官書史所載忠清事蹟務須互
相講究利國愛民之事更宜留心

清江縣志

卷之首

詔諭

一生員居心忠厚正直讀書方有實用出仕必作良吏若心
術邪刻讀書必無成就爲官必取禍患行害人之事者往往
自殺其身常宜思省

一生員不可干求官長交結勢要希圖進身若果心善德全
上天知之必加以福

一生員當愛身忍性凡有司官衙門不可輕入卽有切己之
事止許家人代告不許干與他人詞訟他人亦不許牽連生
員作証

一爲學當尊敬先生若講說皆須誠心聽受如有未明從容
再問毋妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違
制論黜革治罪
一生員不得糾黨多人立盟結社把持官府武斷鄉曲所作
文字不許妄行刊刻違者聽提調官治罪

清江縣志

卷之首

詔諭

聖諭廣訓序

雍正二年

書曰每歲孟春道人以木鐸徇於路記曰司徒修六禮以節民性明七教以興民德此皆以敦本崇實之道爲牖民覺世之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來宵衣旰食祇期薄海內外興仁講讓革薄從忠共成親遜之風永享昇平之治故

特頒上諭十六條曉諭八旗及直省兵民人等自綱常名教之際以至於耕桑作息之間本末精粗公私鉅細凡民情之所習皆

浦江縣志

卷之首

詔諭

三

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨御兆人以

聖祖之心爲心以

聖祖之政爲政夙夜黽勉率由舊章惟恐小民遵信奉行久而或怠用申誥誠以示提撕謹將

上諭十六條彙釋其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉先志以啟後人使羣黎百姓家喻而戶曉也願爾兵民等仰體聖祖正德厚生之至意勿視爲條教號令之虛文共勉爲

節用之庶人盡除夫浮薄囂凌之陋習則風俗醇厚家室和平在朝廷德化樂觀其成爾後嗣子孫並受其福積善之家必有餘慶其理豈或爽哉

敦孝弟以重人倫

我

聖祖仁皇帝臨御六十一年法

祖尊

親孝思不匱

欽定孝經衍義一書衍釋經文義理詳貫無非孝治天下之意故

清江縣志

卷之首

詔諭

四

聖諭十六條首以孝弟開其端朕丕承鴻業追維

往訓推廣立教之恩先申孝弟之義用是與爾兵民人等宣示之夫孝者天之經地之義民之行也人不知孝父母獨不思父母愛子之心乎方其未離懷抱饑不能自哺寒不能自衣爲父母者審音聲察形色笑則爲之喜嗔則爲之憂行動則跬步不離疾痛則寢食俱廢以養以教至於成人復爲授家室謀生理百計經營心力俱瘁父母之德實同昊天罔極人子欲報親恩於萬一自當內盡其心外竭其力謹身節用以勤服勞以隆孝養毋博奕飲酒毋好勇鬪狠毋好貨財私事子縱使儀文未備而誠慤有餘推而廣之如曾子所謂居處

不莊非孝事君不忠非孝蒞官不敬非孝朋友不信非孝戰陣無勇非孝皆孝子分內之事也至若父有冢子稱曰家督弟有伯兄尊曰家長凡日用出入事無大小衆子弟皆當咨稟焉飲食必讓語言必順步趨必徐行坐立必居不凡以明弟道也夫十年以長則兄事之五年以長則肩隨之況同氣之人乎故不孝與不弟相因事親與事長並重能爲孝子然後能爲悌弟能爲孝子悌弟然後在田野爲循良之民在行間爲忠勇之士爾兵民亦知爲子當孝爲弟當悌所患習焉不察致自離於人倫之外若能痛自愧悔出於心之至誠竭其力之當盡由一念孝弟積而至於念念皆然勿尚虛文勿

清江縣志

卷之首

詔諭

五

略細行勿沽名而市譽勿勤始而怠終孝弟之道庶克敦矣夫不孝不弟國有常刑然顯然之跡刑所能防隱然之地法所難及設罔知愧悔自陷匪僻朕心深爲不忍故丁寧告誡庶爾兵民咸體朕意感發興起各盡子弟之職於戲聖人之德本於人倫堯舜之道不外孝弟孟子曰人人親其親長其長而天下平爾兵民其毋視爲具文焉

篤宗族以昭雍睦

書曰以親九族九族既睦是帝堯首以睦族示教也禮曰尊祖故敬宗敬宗故收族明人道必以睦族爲重也夫家之有宗族猶水之有分派木之有分枝雖遠近異勢疏密異形要

其本源則一故人之待其宗族也必如身之有四肢百體務使血脈相通而疴癢相關周禮本此意以教民著爲六行曰孝曰友而繼曰睦誠古今不易之常道也我

聖祖仁皇帝既諭爾等敦孝弟以重人倫卽繼之曰篤宗族以昭雍睦蓋宗族由人倫而推雍睦未昭卽孝弟有所未盡朕爲爾兵民詳訓之大抵宗族所以不篤者或富者多吝而無解推之德或貧者多求而生舐望之思或以貴凌賤而勢利汨其天親或以賤驕人而忿傲施於骨肉或貨財相競不念袒免之情或意見偶乖頓失宗親之義或偏聽妻孥之淺識或誤中讒慝之虛詞因而詬誶傾排無所不至非惟不知雍

清江縣志

卷之首

詔諭

六

睦抑且忘爲宗族矣爾兵民獨不思子姓之衆皆出祖宗一人之身柰何以一人之身分爲子姓遽相視爲途人而不顧哉昔張公藝九世同居江州陳氏七百口共食凡屬一家一姓當念乃祖乃宗甯厚毋薄甯親勿疎長幼必以序相洽尊卑必以分相聯喜則相慶以結其綢繆戚則相憐以通其緩急立家廟以薦烝嘗設家塾以課子弟置義田以贍貧乏修族譜以聯疎遠卽單姓寒門或有未逮亦各隨其力所能爲以自篤其親屬誠使一姓之中秩然藹然父與父言慈子與子言孝兄與兄言友弟與弟言恭雍睦昭而孝弟之行愈敦有司表爲仁里君子稱爲義門天下推爲望族豈不美哉若

以小故而隳宗支以微嫌而傷親愛以侮慢而違遜讓之風以儉薄而虧敦睦之誼古道之不存卽爲國典所不恕爾兵民其交相勸勵共體祖宗慈愛之心常切水木本源之念將見親睦之俗成於一鄉一邑雍和之氣達於薄海內外諸福咸臻太平有象胥在是矣可不勸歟

鄉黨以息爭訟

古者五族爲黨五州爲鄉睦婣任恤之教由來尚矣顧鄉黨中生齒日繁比閭相接睚眦小失狎昵微嫌一或不誠凌競以起遂至屈辱公庭委身法吏負者自覺無顏勝者人皆側目以里巷之近而舉動相猜報復相尋何以爲安生業長子

清江縣志

卷之首

詔諭

七

孫之計哉

聖祖仁皇帝憫人心之好競思化理之貴道特布訓於鄉黨曰和所以息爭訟於未萌也朕欲咸和萬民用是申告爾等以敦和之道焉詩曰民之失德乾餱以愆言不和之漸起於細微也易訟之象曰君子以作事謀始言息訟貴絕其端也是故人有親疏概接之以溫厚事無大小皆處之以謙冲毋恃富以侮貧毋挾貴以凌賤毋飾智以欺愚毋倚強以凌弱談言可以解紛施德不必望報人有不及當以情恕非意相干當以理遣此既有包容之度彼必生愧悔之心一朝能忍鄉里稱爲善良小忿不爭閭黨推其長厚鄉黨之和其益大矣

古云非宅是卜惟隣是卜緩急可恃者莫如鄉黨務使一鄉之中父老子弟聯爲一體安樂憂患視同一家農商相資工賈相讓則民與民和訓練相習汎守相助則兵與兵和兵出力以衛民民務養其力民出財以贍兵兵務恤其財則兵與民交相和由是而簞食豆羹爭端不起鼠牙雀角速訟無因豈至結怨耗財廢時失業甚且破產流離以身殉法而不悟哉若夫巨室者年鄉黨之望膠庠髦士鄉黨之英宜以和輯之風爲一方表率而奸頑好事之徒或詭計挑唆或橫行嚇詐或貌爲洽比以煽誘或假託公言而把持有一於此里閭靡甯鄉論不容國法具在爾兵民所當謹凜者也夫天下者

清江縣志

卷之首

詔諭

八

鄉黨之積也爾等誠遵

聖祖之懿訓尚親睦之淳風孝弟因此而益敦宗族因此而益篤里仁爲美比戶可封訟息人安延及世世協和徧於萬邦太和蒸於宇宙朕與爾兵民永是賴焉

重農桑以足衣食

朕聞養民之本在於衣食農桑者衣食所由出也一夫不耕或受之饑一女不織或受之寒古者天子親耕后親桑躬爲至尊不憚勤勞爲天下倡凡爲兆姓圖其本也夫衣食之道生於地長於時而聚於力本務所在稍不自力坐受其困故勤則男有餘粟女有餘帛不勤則仰不足事父母俯不足畜

妻子其理然也彼南北地土雖有高下燥溼之殊然高燥者宜黍稷下溼者宜秔稻食之所出不同其爲農事一也樹桑養蠶除江浙四川湖北外餘省多不相宜然植麻種棉或績或紡衣之所出不同其事與樹桑一也願吾民盡力農桑勿好逸惡勞勿始勤終惰勿因天時偶歉而輕棄田園勿慕奇贏倍利而輒改故業苟能重本務雖一歲所入公私輸用而外羨餘無幾而日積月累以至身家饒裕子孫世守則利賴無窮不然而舍本逐末豈能若是之懸遠乎至爾兵隸在戍伍不事農桑試思月有分給之餉倉有支放之米皆百姓輸納以散給爾等各贍身家一絲一粒莫不自農桑爾等

既享其利當彼此相安多方捍衛使農桑俱得盡力爾輩衣食永遠不匱則亦重有賴焉若地方文武官僚俱有勸課之責勿奪民時勿妨民事浮惰者懲之勤苦者勞之務使野無曠土邑無游民農無舍其耒耜婦無休其蠶織卽至山園園之利雞豚狗彘之畜亦皆養之有道取之有時以佐食之不逮庶幾克勤本業而衣食之源溥矣所慮年穀豐登忽於儲蓄布帛充贍或侈於費用不儉之弊與不勤等甚且貴金玉而忽菽粟工文繡而廢蠶桑相率爲紛華靡麗之習尤爾兵民所當深戒者也自古盛王之世老者衣帛食肉黎民不饑不寒享庶富之盛而致教化之興其道胥由乎此我

祖仁皇帝念切民依嘗刊耕織圖頒行中外所以敦本阜民者甚至朕仰惟

聖諭念民事之至重廣爲詮解勸爾等力於本務余一人衣租食稅願與天下共飽煖也

尚節儉以惜財用

生人不能一日而無用卽不可一日而無財然必留有餘之財而後可供不時之用故節儉尚焉夫財猶水也節儉猶水之蓄也水之流不蓄則一洩無餘而水立涸矣財之流不節則用之無度而財立匱矣我

聖祖仁皇帝躬行節儉爲天下先休養生息海內殷富猶兢兢

清江縣志

卷之首

詔諭

十

以惜財用示訓蓋自古民風皆貴乎勤儉然勤而不儉則十夫之力不足供一夫之用積歲所藏不足供一日之需其害爲更甚也夫兵丁錢糧有一定之數乃不知撙節衣好鮮麗食求甘美一月費數月之糧甚至稱貸以遂其欲子母相權日復一日債深累重饑寒不免農民當豐收之年倉箱充實本可積蓄乃酬酢往來率多浮費遂至空虛夫豐年尚至空虛荒歉必至窮困亦其勢然也似此之人國家未嘗減其一日之糧天地未嘗不與以自然之利究至嗷饑號寒困苦無告者皆不節儉所至更或祖宗勤苦儉約日積月累以致充裕子孫承其遺業不知物力艱難任意奢侈誇耀里黨稍不

如人卽以爲恥曾不轉盼遺產立盡無以自存求如貧者之子孫並不可得於是寡廉鮮恥靡所不至弱者餓殍溝壑强者作慝犯刑不儉之害一至於此易曰不節若則嗟若蓋言始不節儉必至嗟悔也爾兵民當凜遵

聖訓繹思不忘爲兵者知月糧有定與其至不足而冀格外之賞孰若留有餘以待可繼之糧爲民者知豐歉無常與其但顧朝夕致貧窶之可憂孰若留貲將來爲水旱之有備大抵儉爲美德甯以固陋貽譏禮貴得中勿以驕盈致敗衣服不可過華飲食不可無節冠婚喪祭各安本分房屋器具務取素樸卽歲時伏臘斗酒娛賓從俗從宜歸於約省爲天地惜清江縣志

卷之首

詔諭

十一

隆學校以端士習

古者家有塾黨有庠州有序國有學固無人不在此所教之中專其督率之地董以師儒之官所以成人材而厚風俗合秀頑強懦使之歸於一致也我

聖祖仁皇帝壽考作人特隆學校凡所以養士之恩教士之法無不備至蓋以士爲四民之首人之所以待士者重則士之

禮智之性勿謂學校之設止以爲士各宜以善相勸以過相規向風慕義勉爲良善則氓之蚩蚩亦可以禮義爲耕耘起起武夫亦可以詩書爲甲冑一道同風之盛將復見於今日矣

黜異端以崇正學

朕惟欲厚風俗先正人心欲正人心先端學術夫人受天地之中以生惟此倫常日用之道爲智愚之所共由索隱行怪聖賢不取易言蒙以養正聖功以之書言無偏無頗無反無側王道以之聖功王道悉本正學至於非聖之書不經之典驚世駭俗紛紛藉藉起而爲民物之蠹者皆爲異端所宜屏

清江縣志

卷之首

詔諭

十三

絕凡爾兵民愿謹淳樸者固多間或迷於他歧以無知而罹罪戾朕甚憫之自古三教流傳儒宗而外厥有仙釋朱子曰釋氏之教都不管天地四方只是理會一箇心老氏之教只是要存得一箇神氣此朱子持平之言可知釋道之本指矣自游食無藉之輩陰竊其名以壞其術大率假災祥禍福之事以售其誕幻無稽之談始則誘取貲財以圖肥己漸至男女混淆聚處爲燒香之會農工廢業相逢多語怪之人又其甚者奸回邪慝竄伏其中樹黨結盟夜聚曉散干名犯義惑世誣民及一旦發覺征捕株連身陷囹圄累及妻子教主已爲罪魁福緣且爲禍本如白蓮聞香等教皆前車之鑒也又

如西洋教宗天主亦屬不經因其人通曉歷數故國家用之爾等不可不知也夫左道惑衆律所不宥師巫邪術邦有常刑朝廷立法之意無非禁民爲非道民爲善黜邪崇正去危就安爾兵民以父母之身生太平無事之日衣食有賴俯仰無憂而顧昧恆性而卽匪彝犯王章而干國憲不亦愚之甚哉我

聖祖仁皇帝漸民以仁摩民以義藝極陳常煌煌大訓所以爲世道人心計者至深遠矣爾兵民等宜仰體

聖心祇遵

聖教擯斥異端直如盜賊水火且水火盜賊害止及身異端之

清江縣志

卷之首

詔諭

十四

害害及人心心之本體有正無邪苟有主持自然不惑將見品行端方諸邪不能勝正家庭和順遇難可以成祥事親孝事君忠盡人事者卽足以集天休不求非分不作非爲敦本業者卽可以迓神慶爾服爾耕爾講爾武安布帛菽粟之常遵蕩平正直之化則異端不待驅而自息矣

講法律以儆愚頑

法律者帝王不得已而用之也法有深意律本人情明其意達其情則囹圄可空訟獄可息故懲創於已然不若警惕於未然之爲得也周禮州長黨正族師皆於月吉屬其民而讀法大司寇懸象刑之法於象魏使萬民觀之知所向方今國

家酌定律例委曲詳明昭示兵民俾各凜成憲遠於罪戾意甚厚也

聖祖仁皇帝深仁厚澤洽於兆民而於刑罰尤惓惓致意朕臨御以來體好生之德施欽恤之恩屢頒赦款詳審爰書庶幾大化翔洽刑期無刑又念爾爲民者生長草野習於顛蒙爲兵者身隸戎行易逞強悍每至誤觸王章重干憲典因之特申訓誡警醒愚頑爾等幸際昇平休養生息均宜循分守禮以優游於化日舒長之世平居將頒行法律條分縷析講明意義見法知懼觀律懷刑如知不孝不弟之律自不敢爲蔑倫亂紀之行知鬪毆攘奪之律自不敢逞囂凌強暴之氣知

清江縣志

卷之首

詔諭

十五

奸淫盜竊之律自有以遏其邪僻之心知越訴誣告之律自有以革其健訟之習蓋法律千條萬緒不過準情度理天理人情心所同具心存於情理之中身必不陷於法律之內且爾兵民性縱愚頑或不能通曉理義未必不愛惜身家試思一蹈法網百苦備嘗與其宛轉呼號思避罪於箠楚之下何如洗心滌慮早悔過於清夜之間與其傾貲蕩產求減毫末而國法究不能逃何如改惡遷善不犯科條而身家可以長保倘不自警省偶罹於法上辱父母下累妻孥鄉黨不我容宗族不我齒卽或邀恩倖免而身敗行虧已不足比於人數追悔前非豈不晚哉朕聞居家之道爲善最樂保身之策安

分爲先勿以惡小可爲有一惡卽有一法以相治勿以罪輕可玩有一罪卽有一律以相懲惟時時以三尺自凜人人以五刑相規懼法自不犯法畏刑自可免刑匪僻潛消爭競不作愚者盡化爲智頑者悉變爲良民樂田疇兵安營伍用臻刑措之治不難矣

明禮讓以厚風俗

漢儒有曰凡民函五常之性而其剛柔緩急音聲不同繫水土之風氣故謂之風好惡取舍動靜无恆隨厥情欲故謂之俗其間洎漓厚薄難以強同奢儉質文不能一致是以聖人制爲禮以齊之孔子曰安上治民莫善於禮蓋禮爲天地之

清江縣志

卷之首

詔諭

十六

經萬物之序其體至大其用至廣道德仁義非禮不成尊卑貴賤非禮不定冠婚喪祭非禮不備郊廟燕饗非禮不行是知禮也者風俗之原也然禮之用貴於和而禮之實存乎讓子曰能以禮讓爲國乎何有又曰先之以敬讓而民不爭使徒習乎繁文縟節而無實意以將之則所謂禮者適足以長其浮僞滋其文飾矣夫禮之節文爾兵民或未盡習禮之實意爾兵民皆所自具卽如事父母則當孝養事長上則當恭順夫婦之有倡隨兄弟之有友愛朋友之有信義親族之有款洽此卽爾心自有之禮讓不待外求而得者也誠能和以處衆卑以自牧在家庭而父子兄弟底於肅雍在鄉黨而長

幼老弱歸於親睦毋犯囂凌之戒毋蹈縱恣之愆毋肆一念之貪遂成攘奪毋逞一時之忿致啟紛爭毋因貧富異形有蔑視之意毋見強弱異勢起迫脅之心各戒澆漓共歸長厚則循於禮者無悖行敦於讓者無競心藹然有恩秩然有義黨庠術序相率爲俊良農工商賈不失爲淳樸卽韜鈴介冑之士亦被服乎禮樂詩書以潛消其剽悍桀驁豈非太和之氣大順之徵乎書曰謙受益滿招損古語又曰終身讓路不枉百步終身讓畔不失一段可知禮讓之有得而無失也如此朕願爾兵民等聆

聖祖之訓而返求之於一身爾能和其心以待人則不和者自

清江縣志

卷之首

詔諭

十七

化爾能平其情以接物則不平者亦孚一人倡之衆人從之一家行之一里效之由近以及於遠由勉以至於安漸仁摩義俗厚風淳庶不負諄諄誥誥誠之意哉

務本業以定民志

朕惟上天生民必各付一業使爲立身之本故人之生雖智愚不同強弱異等莫不擇一業以自處居此業者皆有本分當爲之事藉以有利於身藉以有用於世幼而習焉長而安焉不見異物而遷焉此孟子之所謂恆產卽

聖祖仁皇帝之所謂本業也惟茲本業實爲先務凡爲士農爲

工商以及軍伍業雖不同而務所當務則同也夫身之所習

爲業心之所向爲志所習既專則所向自定書曰功崇惟志業廣惟勤蓋業與志本相須而成也但恐日久而生厭舍舊而圖新或爲浮言所動或因際遇未通一念游移半途而廢作非分之營求生意外之妄想究之朝夕營營不恆其德資生寡策厯久無成而志遂以荒而業遂以廢矣夫業每荒於嬉而必精於勤志貴奮於始而尤勵於終朕樂觀爾之成不忍見爾之廢也爲士者謹身修行矻矻窮年服習詩書敦崇禮讓退爲有本之學進爲有用之才爲農者春耕秋歛不失其時搏節愛養不愆於度先事以備水旱如期而輸稅糧使地無餘利人無餘力工則審四時飭六材日省而月試居肆

而事成商則通有無權貴賤交易而退各得其所務體公平勿蹈欺詐若夫身列行陣行陣卽其業也弓馬騎射操練之必精步伐止齋演習之必熟屯田則事墾闢守汛則嚴刁斗備邊則險要之宜知防海則風濤之宜悉庶幾無負本業矣夫天下無易成之業而亦無不可成之業各守乃業則業無不成各安其志則志無旁騖毋相侵擾毋敢怠荒甯習於勤劬勿貪夫逸樂甯安於樸守勿事夫紛華熙熙然士食舊德農服先疇工利器用商通財貨兵資捍衛各盡乃職各世其業上以繼祖宗之傳下以緜子孫之緒富庶豐亨游於光天化日之下以仰答

聖祖誥誠之殷懷以克副朕休養之至意願不共享其福與
訓子弟以禁非爲

從來教萬民訓子弟黨正族師月吉讀法歲時校比師田行
役則合卒伍而簡兵器朝夕告誡人知自愛不敢偶蹈於非
休哉何風之隆與我

聖祖仁皇帝臨御六十一年宏保赤之仁廣教家之治深恩厚
澤休養生息以至於今朕繼承大統仰體

祖子惠元元之心無日不以爾百姓爲念尤無日不以爾百
姓之子弟爲念也人生十年曰幼學二十曰弱冠血氣未定
知識漸開訓導懲誡之方莫切於此大凡子弟之率不謹皆

清江縣志

卷之首

詔諭

十九

由父兄之教不先所恃爲父兄者啟其德性遏其邪心廣其
器識謹其嗜好至於愛親敬長之念人所固有爾父兄誠能
明示其訓俾知父子有親君臣有義夫婦有別長幼有序朋
友有信以端其本則大倫明而干紀犯分之咎自鮮矣夫士
農工商各有專業軍士之家世習技勇其人之淑慝邪正必
自爲子弟之日始語云少成若天性習慣成自然民間非爲
之事漸漬成風或游手好閒博奕飲酒或結納匪類放僻邪
侈往往陷溺而不悟甚者罹法網犯刑章爾爲父兄者獨能
晏然而已乎與其追悔於事後孰若嚴訓於平時蓋行莫重
於孝弟力田心必存於禮義廉恥可模可範以身教之耳提

面命以言教之使子弟見聞日熟循蹈規矩之中久之心地
淳良行止端重可以寡過而保家卽可以進德而成材也且
庭訓素嫻子弟克肖則國家賓興令典自致顯揚旣光大爾
門閭又垂裕爾後昆父兄俱與有榮焉卽使愚魯不敏而服
教安化刑辱不及於厥躬鄉黨咸稱爲良愿一家之休祥孰
大於是况今日之子弟又爲將來之父兄積善相承誨迪不
倦將見戶興禮讓人敦孝義自通都大邑以至窮鄉僻壤太
平之象與國俱長庶不虛朕殷殷期勛之至意矣夫好善則
閭閻子弟可致尊榮苟不善則公卿子弟流爲卑賤義方之
教切磋之功可不豫嚴於蒙穉之年乎爾兵民其敬聽之毋
忽

清江縣志

卷之首

詔諭

二十

息誣告以全善良

國家之立法所以懲不善而儆無良豈反爲奸民開訐告之
路而令善良受傾陷之害哉夫人必有切膚之冤非可以理
遣情恕者於是鳴於官以求申理此告之所由來也乃有奸
宄不法之徒好事舞文陰謀肆毒或捏虛以成實或借徑以
生波或設計以報宿嫌或移禍以卸己罪顛倒是非混淆曲
直往往飾沈寃負痛之詞逞射影捕風之術更有教唆詞訟
者以刀筆爲生涯視獄訟爲兒戲深文以冀其巧中構釁而
圖其重酬鄉里畏之名曰訟師因而朋比協謀黨惡互證有

司或一時受蔽致使善良之輩不能自白桁楊在前箠楚在後鍛煉之下何求不得縱至事明冤雪而拖累困苦小則廢時失業大則蕩產破家善良之被誣可憫而凶頑之誣善良尤可痛恨也

聖祖仁皇帝矜恤下民重懲其弊

頒示訓諭有曰息誣告以全善良夫誣告有反坐之條令甲煌煌乃敢作奸犯科而不畏者利慾薰心詭薄成性方且恣其含沙之毒僥倖於法網之寬殊不知無情之詞一經審察莫可逃避造釁以傾人究之布阱以自陷亦何利之有嘗聞古人或認牛而不辨或奪禾而不爭卒開愧悔之誠翻成禮讓之美若斯之風誠可嘉尚爾兵民所當景效焉且尋繹

清江縣志

卷之首

詔諭

二十一

聖諭不曰禁而曰息謂與其治之以法不如感之使自化也蓋官吏之見聞或疎疎則猶煩揣測鄉鄰之耳目最近近則素所稔知爲之抉其根株窮其黨類出於無心者緩語以曉之成於有意者危言以誡之彼善良之家素行足以質之里閭而無媿而誣告之人言辭既非情實迫於公論則不敢誣揆諸本心亦不忍誣凡前此之陰謀秘計一旦悚然改悔如冰消霧釋兵不誣兵而兵之善良者全民不誣民而民之善良者全兵民不相爲誣而兵民舉全不至赴官終訟兩造俱傷庶幾從風慕義胥天下而歸於無訟豈不休哉尚其咸喻而

凜遵焉

誠匿逃以免株連

朕撫臨億兆合四海爲一家聯萬姓爲一體中外旗民本無異視第以國初定制八旗人員在內則拱衛京師在外則駐防各省如有不奉使令潛往他鄉者卽爲逃人例有嚴禁逃人所至之地兵民人等不行覺察擅自容留者罪並及之按匿逃之弊大約不外兩端凡在逃之人意氣言詞必多巧飾爾等或受其欺罔不辨爲逃人而率意容留者有之或利其財物明知爲逃人而通同隱匿者有之夫主僕之間乃大義所在逃人背主蔑義窩逃者黨不義而藐王章逃者恃匿者清江縣志

卷之首

詔諭

二十二

以爲之藪也法安得恕故順治五年之例窩逃者問擬大辟並籍其家鄰佑十家等皆徙邊遠康熙十五年定例凡窩逃之正犯流徙尚揚堡兩鄰十家長罪止杖徒此皆我

聖祖皇帝矜恤愚民罪疑惟輕故改從寬典也又屢年恩詔將逃人事件概行赦免國家施法外之仁寬督捕之罰無非欲爾兵民革薄從忠遷善改過使蓬門華戶出入優游共享太平無事之福爾兵民等其仰體

聖祖誥誠之慈懷與朕諄諭之至意謹身率教循禮奉公不交游手無藉之徒不爲行險僥倖之事毋徇私情而干國憲毋貪微利而忘身家如此則井里晏然四隣安堵胥吏不擾雞

犬無驚而國家刑期無刑之化亦可以觀厥成矣倘因法網
既寬復蹈故轍營私受賄藏惡養奸則自取其辜何能曲宥
况乎逃竄之人性既冥頑又無生理所行種種不端大而盜
賊小而賭博一經發覺皆犯科條容留之家又安能脫然事
外不罹罪譴邪周易曰比之匪人不亦傷乎晏子曰君子居
必擇隣所以避患也可知奸猾浮蕩之流皆足爲善良之累
朕願爾等父誠其子兄誠其弟隊長誠其行伍鄉約誠其比
閭祇奉訓詞各遠非義則地方甯謐俗厚風淳又何患株連
之偶及哉

完錢糧以省催科

清江縣志

卷之首

詔諭

二十三

自昔畫野分州任土作貢而賦稅以興凡國之五禮百度輸
用出入皆賴焉此君所必需於民下所宜供於上古今通義
未之或改且以制官祿所以治我民以給兵餉所以衛我民
以備荒歉所以養我民取諸天下還爲天下用之人主之倉
廩府庫豈厲民而以自養耶我朝自定鼎以來賦額悉準經
制且橫征私派一切革除未嘗絲毫多取於民溯

聖

祖仁皇帝深仁厚澤豢養斯民六十餘年時以閭閻豐裕爲
念所蠲免錢糧何止百千萬億遐邇之霑被固已淪肌浹髓
矣夫緩征薄斂加惠元元君之德也以下奉上先公後私民
之職也屬在兵民宜喻此意勿惰而嬉荒其本業勿奢而費

耗其貲財勿逡巡觀望冀邀賜復之殊恩勿轉委輸將致被
豪猾之中飽依限而納毋待追呼然後以其所餘養父兄畢
婚嫁給朝夕供伏臘縣庭有臥治之官村巷無夜呼之吏俯
仰無累妻孥晏然其爲安樂莫踰於此倘不知國課之當重
國法之難寬或有意抗違或任情遲緩有司迫奏銷之限不
得不嚴追比胥役受鞭撻之苦不得不肆誅求剝啄叩門多
方需索無名之費或反浮於應納之數而究竟所未完者仍
不能爲爾寬貸不知何樂而爲此夫供胥役之侵漁曷若輸
朝廷之正供爲抗糧之頑戶曷若爲守法之良民人雖至愚
亦必知之况乎上好仁而下好義情屬一體爾試思廟堂之

清江縣志

卷之首

詔諭

二十四

上所日夜憂勞者在於民事水溢則爲隄防旱魃則爲虔禱
蝗蝻則爲撲滅幸不成災則爾享其利不幸成災則又爲之
蠲租爲之賑濟如此而爲民者尚忍逋賦以誤國需問之於
心亦何以自安譬人子於父母分產授業以後必服勞奉養
庶盡厥職乃父母恩勤顧復不遺餘力而爲子者自私其財
缺甘旨而違色養尚得謂之人子乎朕用是諄諄誥誡但願
爾兵民上念軍國下念身家外有効忠之名內受安享之實
官不煩而吏不擾何樂如之爾兵民清夜自思其感體朕意

聯保甲以弭盜賊

從來安民在於弭盜摘發守禦之法必當先事而爲之備故

緝捕有賞疎縱有罰諱盜有禁違限有條而最善者莫如保甲十家爲甲十甲爲保甲有長保有正設立簿冊交察互警此卽井田守望之遺制所以

聖祖仁皇帝上諭曰聯保甲以弭盜賊誠欲使四海九州閭閻安堵澄本清源

聖慮實爲周切矣第恐遵行旣久遂至因循吏則徒稽戶籍民則僅置門牌而於聯比糾察之法未見實心奉行以至勾引窩藏之弊種種而生隣舍失事竟有如秦越之相視富家被劫反指爲悖出之當然甚且假公濟私藉盤詰之虛名滋無厭之苛求汎防因而騷擾胥吏緣以生奸有保甲之名無保

清江縣志

卷之首

詔諭

二十五

甲之實有保甲之累無保甲之益此盜賊之所以難弭也夫良法之有利於民在奉行之必求其實嗣後城市鄉村嚴行保甲每處各自分保每保各統一甲城以坊分鄉以圖別排隣比戶互相防閑一甲之中巨室大戶僮佃多至數百此內良否本戶自有責任若一廛一舍之散布村落者有業無業或良或否里正保正得以微窺於平素一出一入得以隱察其行蹤遇有不務恆業羣飲聚博鬪雞走狗夜集曉散以及履歷不明蹤跡可疑者皆立爲糾舉不許暫容甲內其荒原古廟鬧肆叢祠尤易藏奸更宜加緊防察至汛地兵丁務必晝夜巡邏一體查結毋借端生事毋挾仇陷害毋受賄賂而

徇縱毋惜情面而姑容協力同心輪流分派則盜賊無容身之地軍民享安靜之樂矣查昔人禦盜之法村置一樓樓設一鼓一家有失擊鼓爲號羣起而守其要害盜賊將安所逃所謂寓兵法於保甲中也若夫江海出沒之區有未可以保甲行者舟楫往來絡號聯踪彼此互相稽查匪類亦難藏匿皆在實心奉行先事而爲之備若視爲具文怠忽從事至於被盜者失財連坐者受累不惟負朕息盜安民之至意亦甚非爾等保身保家之良策也

警忿以重身命

朕惟人道莫大於守身民之有身所以務本力田養父母而

清江縣志

卷之首

詔諭

二十六

畜妻子兵之有身所以嫻習伎勇資捍衛以報朝廷身爲有用之身則皆當自愛乃生人氣質之偏不能變化往往血氣用事至一發而不可遏激怒崇朝竟成莫解互相報復兩敗俱傷其起甚微而爲害甚大不念爰書抵罪一定之律雖國家法網甚寬亦不能爲殺人者施法外之仁

聖祖仁皇帝訓諭十六條而終之以重身命誠哀矜悱惻之至意也夫天地以好生爲心而惻惻之倫不自顧惜人君以愛養爲政而蚩蚩之衆每至輕生非釁起於夙夕之讐卽禍生於一朝之忿强者恃膂力之剛殺人忘命弱者希抵償之罪赴水投繯忿以成讐讐而益忿原其致此之由固非一端而

兵民所易犯者尤多於縱酒蓋酒之爲物能亂人心志使失其故常或賓主酬酢始以合歡而俱入醉鄉則一言不合至操刀而相向或睚眦之怨本可冰釋及酒酣耳熱則一發難忍若不共之深仇每見刑曹命案相傷於酒後者十有五六噫置身縲紲家破人亡甚或累及妻孥禍延鄉黨而後拊心自悼悔何及矣自今以往皆當敬聆

聖諭時時提醒思讐與身孰重毋追既往之讐而昧將來之患思忿與命孰輕毋快目前之忿而貽事後之悔縱人或以非禮相加似難含忍然一念夫身命攸關則從父兄訓誨聽親友調和無不可情恕理遣至酒之爲害尤宜深戒古之人旣

清江縣志

卷之首

詔諭

二十七

立之監或佐之史蓋惟恐載號載嘒亂邊豆而起爭端也其可沈酒荒腆致陷身於刑戮乎語有云忍之斯須乃全爾軀故解去讐忿則全生保家之道胥在於此養其和平消其亢戾不待排難解紛而凌競之習自然息化何其風之醇也孔子曰忿思難孟子謂橫逆猶是此亦妄人也已矣聖賢之遺訓與

聖祖仁皇帝之明諭固千古同揆也凡爾兵民凜遵毋忽則閭閻相保營伍相安下以承家上以報國優游盛世共躋仁壽之域非解讐忿之明效歟

高宗純皇帝聖製賜漕運總督楊錫紱詩 乾隆二十七年

轉漕由來大政關得人久任謂卿閑四星儲蓄天容與千里
北南歲往還革弊深應體民隱董媪兼欲恤丁艱奉公盡職
誠斯在扈蹕儀文儘可刪

聖製賜漕運總督楊錫紱詩 乾隆三十年

內供卿貳外封疆司運今番政最良不必精嚴事皆就善於
驅使衆胥襄卽今水次排南舸弗誤秋來到北倉更議僉丁
蠲積習不徇流俗審應臧

聖製諭祭原任漕運總督楊錫紱文 乾隆三十四年

皇帝諭祭於原任漕運總督楊錫紱之靈曰制函承寵爰資

清江縣志

卷之首

詔諭

二十八

舟楫之功彝典酬庸幸煥絲綸之色惟令問堪垂於簡冊斯
隆恩下逮於几筵爾楊錫紱宣力夙聞奉公罔懈早備鶴廳
之選更聯豹直之班敬歷中外者有年用佐禮刑而無忝泊
領柏臺之總奕奕峩冠迨持藻鑒之平兢兢聽履惟漕節寄
輓輸之任俾廷臣綜轉運之司清操可風簡稽弗爽成勞具
在溘逝忽聞考舊典以彰勤賁餘榮而致奠嗚呼抒忱挽粟
難忘掌庾之勛頒惠加邊式著飛芻之績靈而不昧庶克歆
承

聖製原任漕運總督楊錫紱碑文 乾隆三十四年

朕惟服勞資篤棊飾終之典宜隆示後永休聞壹惠之文特

重惟成績可垂於琬琰斯榮各式煥以絲綸爾原任漕運總督楊錫紱敷歷有年奉公匪懈分香雞舌早登司列之班簪筆螭頭夙著光朝之譽控嶺扼崗之會曾建旌牙襟湘帶沅之區重開棨戟貳卿清職典守乎嘉禮祥刑肅政崇階管攝乎中銓左選以台斗而總節麾之任保障是膺惟東南實爲財賦之都輸將攸賴何期溘逝彌切軫懷考憲易名諡之勤懇嗚呼指順帆於千里尚念江淮轉運之功表豐碣於九原聿彰夙夜靖共之誼載輝重兆俾荷隆施